



ТОШКЕНТ ОҚШОМИ

2018 йил 20 НОЯБРЬ, СЕШАНБА

Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КUNДАЛИК ГАЗЕТАСИ

№ 218 (13.815)

Баҳоси эркин нарҳда

ЎЗБЕКИСТОН РЕСПУБЛИКАСИ ПРЕЗИДЕНТИ АҚШ КОНГРЕССИ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 19 ноябрь куни конгрессмен Трент Келли бошчилигидаги АҚШ Конгресси делегациясини қабул қилди.

Давлатимиз раҳбари таркибида АҚШ Вакиллар палатаси аъзолари Висенте Гонсалес, Рональд Эстес, Роджер Маршалл ва Женнифер Гонсалес Колон ҳам бўлган делегацияни самимий кутилган экан, конгрессменларни АҚШ парламентидаги ораллик сайловнинг муваффақиятли ўтгани билан табрикланди.

Кейинги йилларда кўп қиррали Ўзбекистон – АҚШ ҳамкорлиги жадал ривожланиб бораётгани чуқур мамнуният билан қайд этилди. Жорий йил май ойида Вашингтонда бўлиб ўтган олий даражадаги учрашувлар мамлакатларимиз ўртасидаги стратегик шерикликнинг янги даврини бошлаб бергани таъкидланди.

Турли йўналишлар бўйича икки томонлама алоқалар фаоллашди, конструктив сиёсий мулоқот йўлга қўйилди, парламентларо алоқалар, шунингдек, маданий-гуманитар ва таълим соҳаларидаги ҳамкорлик кенгайтирилди.

Савдо-иқтисодий соҳада биргаликдаги саъй-ҳаракатлар билан ўзаро савдо ҳажми ошди, Ўзбекистон иқтисодиёти тармоқларини ривожлантириш ва модернизация қилишга етакчи АҚШ компанияларининг тўғридан-тўғри инвестициялари ва технологияларини жалб этиш борасида аниқ манзилли чора-тадбирлар амалга оширилмоқда.

Жорий йил бошидан буён ўтган даврнинг ўзида ўзаро товар айирбошлаш ҳажми икки баробар ортди, мамлакатимизда АҚШ капитални янги широкда 25 дан зиёд янги корхона ташкил этилди.

Октябрь ойида мамлакатимизда АҚШ савдо ва-

зири Уилбур Росс бошчилигидаги нуфузли делегация иштирокида биринчи марта Америка бизнеси ҳафталигининг ишбилармонлик тадбирлари ўтказилди.

Давлатимиз раҳбари АҚШ Вакиллар палатасида конгрессменлар Т.Келли ва В.Гонсалес раҳбарлигида "Ўзбекистон бўйича кокус" ташкил этилганини мамнуният билан қайд этди. Ушбу механизм ҳар томонлама муносабатларни кенгайтириш ва аниқ иқтисодий лойиҳаларни илгари суришда самарали омил бўлиб хизмат қилишига ишонч билдирилди.

Учрашувда икки томонлама муносабатларга доир, шунингдек, минтақавий ва халқаро аҳамиятга молик долзарб масалалар кўриб чиқилди.

Савдо-иқтисодий ва инвестициявий ҳамкорлик учун қулай шароитлар яратиш ҳамда бу борадаги қўшма лойиҳаларни, аввало, ҳудудларро даражада қўллаб-қувватлашга алоҳида эътибор қаратилди.

Конгрессменлар давлатимиз раҳбарига самимий қабул учун миннатдорлик билдириб, Ўзбекистонда янги босқичда амалга оширилган ҳамда барча соҳа ва йўналишларни қамраб олган ислоҳот ва янгиланишларга юксак баҳо берди.

Мамлакатларимиз ўртасидаги стратегик шериклик муносабатларини янада ривожлантириш ва мустаҳкамлаш, ўзаро манфаатли амалий ҳамкорликни кенгайтиришга фаол қўмақлашишга тайёрлик таъкидланди.

ЎЗА

АҚШ КОНГРЕССМЕНЛАРИ МАМЛАКАТИМИЗ БИЛАН ҲАМКОРЛИК ИСТИҚБОЛЛАРИ ҲАҚИДА

Президент Шавкат Мирзиёев билан учрашувдан сўнг АҚШ Конгресси делегацияси аъзолари ЎЗА мухбирига Ўзбекистон билан Америка Қўшма Штатлари ўртасида янги босқичга чиқаётган ҳамкорлик ҳақида қуйидагиларни сўзлаб берди.

Трент Келли, конгрессмен:

– Мамлакатимизга таширишимизнинг асосий мақсади Ўзбекистон билан АҚШ ўртасидаги икки томонлама манфаатли алоқаларни чуқурлаштириш ва янада ривожлантиришдан иборат. Шунингдек, таъкидлаш кераки, ушбу таширишимиз мамлакатларимиз амалий мулоқотнинг мантиқий давоми ҳисобланади.

Бугун АҚШ Конгрессида Ўзбекистон бўйича алоҳида парламент гуруҳи – "кокус" ташкил этилди ва у жуда муҳим аҳамиятга эга. Ушбу гуруҳ америкаликларнинг Ўзбекистон ва ўзбек халқи ҳақида тўлақонли маълумотга эга бўлиши, парламентларимиз ва турли соҳалар ўртасидаги алоқаларни янада мустаҳкамлашга қаратилган бўлиб, мақсади бу жараёнга қўмақлаштириш.

Висенте Гонсалес, АҚШ Вакиллар палатаси аъзоси:

– Мамлакатларимиз ўртасида муш-

тарак жиҳатлар кўп. АҚШ ҳам, Ўзбекистон ҳам ўзаро дўстлик ва ҳамкорликни қўллаб-қувватлайди.

Мен АҚШнинг Техас штатиданман. Фаолиятим нефть-газ соҳасига оид. "Кокус" ушбу тармоқлар, шунингдек, энергетика, соғлиқни сақлаш, муҳофаза, савдо соҳаларида ҳам ҳамкорлик олиб боради.

Американинг ташки муносабатларида Ўзбекистон Марказий Осиёдаги стратегик ҳамкор сифатида муҳим ўрин тутади. Президент Шавкат Мирзиёев Ўзбекистон билан АҚШ ўртасидаги тенг манфаатли алоқаларни ривожлантиришда фаол ташаббусларни илгари сурапти. Биргаликда муносабатларимизни узок йиллар давом эттиришдан биз ҳам манфаатдормиз.


Женнифер Гонсалес Колон, конгрессмен:

– Бугун Америка – Ўзбекистон муно-

сабатлари юқори босқичга чиқди. Президентингиз билан учрашув, шунингдек, мамлакатингиз парламенти ва қатор ташкилотлардаги музокараларимиз ўзаро ҳамкорликдан икки томон ҳам бирдек манфаат қўлаётганини намоён этди.

Шавкат Мирзиёев раҳбарлигида Ўзбекистонда олиб борилаётган ислоҳотлар, барча соҳадаги модернизация жараёнлари юртингизнинг нафақат сиёсий, балки иқтисодий жиҳатдан ҳам ривожланган давлатлар қаторига кириши учун замин яратётганига амин бўлдим. Янги тузилма таълим, хавфсизлик, ахборот технологиялари, бизнес каби кўплаб соҳаларда қўшма лойиҳаларни самарали амалга ошириш, ҳамкорликни истиқболли йўналишлар билан бойитишга хизмат қилади.

М.ЭЛМУРОДОВ
ёзиб олди



ЎЗБЕКИСТОН ПРЕЗИДЕНТИНИНГ ҚОЗОҒИСТОН ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

19 ноябрь куни Ўзбекистон Республикаси Президенти Шавкат Мирзиёевнинг Қозоғистон Республикаси Президенти Нурсултон Назарбоев билан телефон орқали мулоқоти бўлиб ўтди.

Мулоқот аввалида давлат раҳбарлари қардош мамлакатларимиз ўртасидаги дўстлик, яхши кўшчилик ва стратегик шериклик муносабатлари жадал ривожланиб, илгари суришда самарали омил бўлиб хизмат қилишига ишонч билдирилди.

Барча даража ва йўналишлардаги алоқалар фаоллашуви кўп қиррали Ўзбекистон – Қозоғистон ҳамкорлигини янада кенгайтиришга хизмат қилаётгани таъкидланди.

Ўзаро савдо ҳажми ортиб, иқтисодиётнинг турли тармоқларида, хусусан, ҳудудлар ва ишбилармон доиралар ўртасида кооперация кенгайтириб бормоқда. Жорий йил 15 ноябрь куни Чимкент шаҳрида икки мамлакат чегараолди ҳудудлари ва етакчи компаниялари раҳбарлари иштирокида биринчи ҳудудларро ҳамкорлик форуми муваффақиятли ўтказилди.

Қозоғистонда Ўзбекистон йили доирасида ишбилармонлик ва маданий-гуманитар алоқалар дастури сермазмун бўлгани қайд этилди. Йил бошидан буён жами

50 дан ортиқ қўшма тадбир ўтказилгани бунинг тасдиғидир.

Мулоқот давомида давлат раҳбарлари олий даражадаги келишувларни амалга ошириш доирасидаги амалий ҳамкорлик истиқболларини, шунингдек, бўлажак тадбирлар режасини муҳокама қилди.

Долзарб минтақавий ва халқаро масалалар, жумладан, 2019 йилда мамлакатимизда ўтказиладиган Марказий Осиё давлат раҳбарларининг иккинчи маслаҳат учрашувига тайёрларик ишлари ҳусусида фикр алмашилди.

Мулоқот сўнггида давлат раҳбарлари қардош Ўзбекистон ва Қозоғистон халқларининг фаровонлиги ҳамда бутун минтақадда барқарорлик ва илгари тараққиётни таъминлаш йўлида кенг кўламли ҳамкорликни бундан буён ҳам фаол ривожлантириш, кўп асрлик дўстлик ва яхши кўшчилик ристаларини, икки томонлама стратегик шериклик муносабатларини мустаҳкамлаш борасида интилишлари қатъий эканини таъкидлади.

ЎЗА

ДЕПУТАТЛАР ДАВЛАТ БЮДЖЕТИНИНГ 2018 ЙИЛ 9 ОЙИДАГИ ИЖРОСИНИ МУҲОКАМА ҚИЛДИЛАР

2018 йил 17 ноябрь санасининг иккинчи ярмида депутатлар ўз ишларини давом эттирдилар. Унда Ўзбекистон Республикаси Давлат бюджетининг 2018 йил тўққиз ойидаги ижроси муҳокама қилинди.

Мажлисида таъкидланганидек, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини "Фаол тадбиркорлик, инновацион гоғлар ва технологияларни қўллаб-қувватлаш йили"да амалга оширишга оид давлат дастурида белгиланган устувор вазибаларни илгари амалга ошириш ҳамда жамиятнинг ижтимоий-иқтисодий соҳаларини тубдан ривожлантириш, бунга масъул идоралар фаолиятини таркибий ўзгартириш бўйича олиб борилган ислоҳотлар ижроси натижасида 2018 йилнинг тўққиз ойи давомида иқтисодиётнинг барқарор, мувозанатли тарзда ривожланиши ҳамда иқтисодий ўсишнинг юқори суръатлари таъминланди.

(Давоми 2-бетда)

Халқ сўзи Народное слово

Тошкент Оқшомми Вечерний Ташкент

ГАЗЕТХОНЛАР БИЛАН УЧРАШУВ ДАВОМ ЭТМОҚДА

Шу кунларда "Тошкент оқшомми", "Вечерний Ташкент" ҳамда "Халқ сўзи" — "Народное слово" газеталари тахририяти журналистлари шахримиздаги корхона ва ташкилотларда учрашувлар ўтказиб келмоқда.

Ижодкорлар муштарийлар билан мулоқот чоғида уларнинг газеталар мазмун-мундарижасини янгилаш, таъсирчанлигини ошириш, долзарб мавзуларни эътиборни тортадиган даражада

ёритишга қаратилган тақлиф-истакларини муҳокама қилиптилар. Аҳолининг жойлардаги муаммо ва камчиликлар борасидаги фикр-мулоҳазаларини тинглаган ҳолда мазкур масалаларни ҳал қилишда фаол иштирок этишларини билдириптилар. Айтиш жоизки, ижодий гуруҳлар таркибига таниқли адиб ва шоирлар, илм-фан ва маданият соҳаси вакиллари ҳам жалб этилган.

Ўзаро ҳурмат ва ишончга қурилган шу каби учрашувларда, мамлакатимизда олиб борилаётган жадал ислоҳотлар, инсон қадрли улғ бўлган жамиятимизда юз бераётган янгиланишлар, Президентимизнинг халқимиз фаровонлигига йўналтирилган эзгу ташаббуслари ҳусусида ҳам атрафлича сўз бормоқда.

Бундай учрашув ва мулоқотлар пойтахтимиз туманларида қизгин давом этаёпти.

"ТАШАББУС – 2018": **ПОЙТАХТНИНГ БИР КУНИ**
ЭНГ МУНОСИБЛАР, ФАОЛ ВА ТАШАББУСКОРЛАР АНИҚЛАНДИ

"Ташаббус" республика кўрик-танлови тадбиркор, фермер ва хўнарамандларнинг энг фаолларини аниқлаш, креатив гоғлар асосидаги ташаббусларини қўллаб-қувватлаш, рағбатлантиришда муҳим майдон вазифасини ўтамоқда.



юртимизда тадбиркорлик ривожини йўлида кўрсатилаётган тизимли саъй-ҳаракатлар қулай ишбилармонлик муҳитини яратишга, тадбиркорлар манфаатларини ҳимоялашга, уларнинг эркин ва самарали фаолият кўрсатишига имкон яратётганини таъкидлади.

(Давоми 2-бетда)

